

Athör cī gät kɔc Itharel cī gam Wēt nom

Athör cī gät kɔc Itharel, ee gēt tēnē akut kɔc cī gam wäär duēr gamden wai wei, ku dhukkē gamden thēer yic, rin cīi kɔc juēc kē loikē nhiar ku yekē ke kuɔc ciēēŋ. Ku keek aake ye raan gät athöör ke dæet puɔth ē gamden yic. Ku nyuth ke lɔn Jethu Kritho yen ē yic la cök, ku ē yen aci Nhialic rot nyuɔth thīn. Wäär gēt yen athöör ē wīc bī yith kadiäk dæet kepuɔth apēi. (1) Jethu yen ē Wēn Nhialic akölriēec ēbēn, ku yeen aci bēn gum bī tē yen Wun Nhialic thēek thīn ŋic. Rin ye yen Wēn Nhialic, Jethu adīt tēnē kɔc kāk Nhialic tīŋ cī gät athör thēer wēl Nhialic yic. Ku adīt tēnē atuuc nhial ku tēnē Mothith aya. (2) Jethu aci Nhialic nyuɔth bī ya yen raandīt kāk Nhialic akölriēec ēbēn, ku dīit tēnē kɔc kāk Nhialic tō athör thēer wēl Nhialic yic. (3) Ku Jethu yen ē raandīt kāk Nhialic. Ku ē yen pīr ē yic bēēi tēnē ŋo. Ku läai wäär ye kɔc Itharel ke nök, ku tēwäär ye kek yanhden duɔr thīn duēl yic, aa ye kīit yen aye kek pīr bī Jethu bēēi aköldä kiēt.

Ku cökdiit 11 yic, raan gēt athöör ē kajuēc rin gam kɔc thēer cī gät athör thēer wēl Nhialic yic lēk kɔc bā athöör kueen, bīk kepuɔth dæet gamden yic. Ku cökdiit 12 aaye lēk bīk la tuēŋ ke gam ŋet tē thou raan ku cik kekɔth wēl Jethu. Ku gumkē kuat kārɛc lui röt ke, ku nääk bī bēn tēnē ke aya.

Wēl juēc tō athör thēer wēl Nhialic yic, aaye raan ē gät athör kēnē tēnē kɔc Itharel cī gam, lac mat thīn. Kek wēlkä aabī raan kuen athöör ya yök ciel

kīt ṅāny ku kīt ē thiōk yiic (“ ”) Athöör ē thōk ē wēēt ku lēk.

Käk tō thīn

Wēt Nhialic acī Wēnde lēk kōc 1:1-3
Jethu adīt ku aril tēnē atuuc nhial 1:4-14
Buōthku Jethu bī ṅo luōk la pan mac 2:1-4
Jethu acī bēn bī ṅo luōk 2:5-18
Jethu adīt apei tēnē Mothith 3:1-6
Gamku wēt Jethu buk rēer ē duk 3:7–4:13
Jethu yen ē Raandan dīt apei kāk Nhialic 4:14–6:12
Athōn Nhialic ē yic 6:13-20
Melkidhedek 7:1-14
Raan dēt kāk Nhialic cīt Melkidhedek 7:15-28
Jethu yen ē Raandan dīt kāk Nhialic 8:1-15
Tē ye Nhialic duōr thīn wāthēer 9:1–10:18
Bāk lok tēthiāāk ke Nhialic 10:19-39
Gam 11:1–12:29
Tē ye Nhialic miēt puōu thīn 13:1-16
Thek kōckun dīt wēl Nhialic 13:17-19
Rōök ciēen 13:20-21
Wēl ciēen 13:22-25

Wēt Nhialic acī Wēnde lēk kōc

¹ Wāthēer Nhialic acī jam tēnē kōc kākke tīṅ bīk wētde lēk wārkuān dīt arak juēc dhōl juēc. ² Ku ēmēn, ee Wēnde yen ē kākā lēk kōc. Yen acī Nhialic thōn kāriēc ēbēn pinynhom, ku ē riēl Wēnde yen ē looi yen kāriēc ēbēn tō thīn. ³ Wēn Nhialic yen ē dhēēnde nyuōth. Ku yen aye Nhialic tīc yeguōp ayic. Ee riēl wēt yen ē kāk tō nhial ku piny cāl alui cīt tē cī yen ke cak thīn. Ee yen acī thou ba adumuōōmkua laak wei ṅogup, ku ler ku nyuuc Bāānyde yic nhial cuēny Wun Madhōl.

Jethu adit ku aril tēnē atuuc nhial

⁴ Kēya, Jethu adit ku aril apēi tēnē atuuc nhial, cīmēn rin cī Nhialic gām ye bī ye a cɔl ke, “Wēn Nhialic,” ye nyuɔth. Rinkä awār rin atuuc.

⁵ Rin acin atuny cī Nhialic kaŋ lək yeen ēlä, “Yin ee Wēndiē, akölē, ɣen aci ya Wuur.”

Ku acin atuny cī Nhialic kaŋ lək yeen aya ēlä, “ɣen abī ya Wuur, ku yin abī ya wēndiē.”

⁶ Ku wäär tuuc Nhialic Wēnden bī thōn kākke pinynhom aci lueel aya ēlä,

“Yen adhil atuuc nhial door.”

⁷ Ku kē cī Nhialic lueel rin atuuc nhial akīn,

“Acä atuuc nhial cak ke puɔl gup cīmēn yom.

Ku cīmēn bir deŋ bīk yeen lac aa luöi.”

⁸ Ku lueel Nhialic tēnē Jethu ēlä,

“Bäänydu abī cien akölrüec ēbēn, ku yin abī ŋic mac apath.

⁹ Yin ee kɔc luui kápath nhiaar, ku yin ee kɔc luui käreɔ lac tēm awuöc.

Ku ee yen kē cī Nhialic, yen Nhialicdu,

yī tāau tuen kɔc nhīim rin cī yen yīin lɔc ku gēm yīin miɛt puöu ēbēn.”

¹⁰ Ku wēl thēr Nhialic cī gōt aa jam ēlä rin ē Jethu,

“Bēny wäär tuen cək kāŋ yin aci piny cak, ku nhial aya ee yin aci yeen cak.

¹¹ Käkä ēbēn aabī liu aköldä, ku yin abī tō thīn athēr.

Aabī dhiɔp ku riēkkē cīmēn alath.

¹² Aaba ya mat yiic cīmēn alanh cī riääk ku cuet wei.

Ku war keek aya cīmēn alēth.

Ku yīn guōp, yīn aciī rot bī kaṅ waar, ku yīn aciī bī dhiōp.”

¹³ Acīn atuny cī Nhialic kaṅ lēk yeen ēlā,
“Nyuc kōṅdiēn cuēc ku ʒen abī kōc atērdū guir ku
dhuōk keek ciēn yīcōk.”

¹⁴ Na ye kēya, ya atuuc nhial kāṅō? Atuuc aa
jak Nhialic luōōi ē path. Aaye tooc bīk kōc bī pīr
akōlriēēc ēbēn yōk, aa kony.

2

Buōthku Jethu bī ʒo luōk la pan mac

¹ Kēya, ʒok aadhil ʒopuōth tāāu piny apēi ku
piṅku wēt Jethu apath, buk cīi mēr wei dhēl la pan
Nhialic yic. ² Wēt Nhialic wāār cī yen atuōōcke tooc
bīk lōṅ lēk Mothith, rin bī Mothith ye lēk wārkuān
dīt. Kōc cī bēn kuēc bīk wēt kēnē cīi piṅ aaci bēn
tēm awuōc. ³ Kēya, yeṅō bī ʒo gēl bī ʒo cīi tēm awuōc
aya, tē cīi ʒok wēt bī ʒo kony ye Jethu lēk kōc rin pīr
akōlriēēc ēbēn ye piṅ? Ee Jethu yen ē kōṅ wēt pīr
lueel. Ku yen aci kōc cī ye piṅ lēk ʒo lōn ye yen yic.
⁴ Ku aye Nhialic nyuōōth akōlakōl lōn ye kākkā yith
ē kākkith jāṅ gōi rōt looi yiic. Ku miōc juēc riel ye
Wēi Nhialic yiēk kōc cī kākkā gam tēcīt tē wīc yen
ye thīn.

Jethu aci bēn bī ʒo bēn luōk

⁵ Nhialic aciī atuuc nhial bī looi bī ya kek la riel
piny yen wīc bī bēn guir, piny yen jiēm ʒok ēmēn.
⁶ Aacie ke, rin aci Debit lueel tēnē Nhialic ēlā thēer
athör waak yiic,

“Raan yeŋö, ku manh raan yeŋö, ye yin yinhom
yiäk ye apei kälä?

⁷ Wäär aca cöl atöu nhom ciëen kaam thin-nyoot
tënë atuuc nhial,
ku aŋot ca bën yiäk bääny ku tääu kəriëec ebën
yecök.

⁸ Ku wën cī yin kəriëec ebën tääu yecök.”

Acin kënë cī nyään wei. Ku emën acuk tiŋ lön tö
kəriëec ebën yecök. ⁹ Ku yok aa Jethu wäär ca tööu
nhom ciëen tënë atuuc nhial tiŋ emën ke ye yen cī
yiäk bääny. Yok aa Jethu tiŋ ke cī ya bëny rin cī yen
thou, bi raan ebën luök ë piath Nhialic.

¹⁰ Ku ë yic bi Nhialic yen cī kəriëec ebën cak, ku
cöl ke aa ciëŋ cit tē cī yen ke cak thin, Jethu cöl
agum, rin wic yen ye bi kəc juec kony ku yëth ke
bäänyde yic pan Nhialic. ¹¹ Raan kəc cöl ala cök,
ku kəc ye looi bik la cök aala Wunden. Ku yen aci
Jethu guöp ye yär bi ke aa cöl wämäthakën. ¹² Acī
lueel tënë Nhialic elä,
“Yen abi wämäthkië lək kē ca looi, yin aba leec
amaten yic.”

¹³ Ku lueel aya,
“Yen abi Nhialic nööth.”

Ku ben lueel tënë Nhialic,
“Yen akin, yok mith ca gam yen.”

¹⁴ Jethu aci ya raan cimënda. Rin na le thou, ke
gök jəŋrac la riël ë thou. ¹⁵ Ku Jethu aci bën aya, bi
kəc ke cit aloony pierden yic akölaköl bën wëer bei
rin riöc kek ë thou. ¹⁶ Këya, adhilkü tääu yonhüim
lön Jethu akēc bën bä atuuc nhial bën kony. Acī bën
bi yo bën luök, yok kəc cī gam cimën Abaram. ¹⁷ Ku

rin ē wēt kēnē yen acī yen ciēt ʒo, ʒok wāmāthakēn. Rin bī yen a Raan kāk Nhialic ʒer puʒu luoi kāk Nhialic yiic. Ku rin bī ye juaar tēnē Nhialic ba adumuʒōm pāl piny. ¹⁸ Aŋicku lōn bī yen ʒo kony tē thōōc jōŋrac ʒo awuʒc yic, rin yeen aya, ēcī jōŋrac them ku guum apēi.

3

Jethu adīt apēi tēnē Mothith

¹ Wek miēthakāi cī gam, wek kōc cī Nhialic cōl aya cīmēndiē, awiēc bāk Jethu raan cī Nhialic tuʒōc pinynhom ke ye Raandan dīt apēi kāk Nhialic, bī ʒo bēn piʒōc kāpuōth wīc Nhialic ke buk ke gam, tak apath. ² Jethu ēcī wēt Nhialic yen tooc ye gam, ku looi piānde ēbēn cīmēn wāār cī Mothith wēt Nhialic gam, ku looi wāār cī Nhialic ye tāāu kōcken Itharel nhīim. ³ Raan mac cak nhom aye leec apēi tēnē kōc ē manyē. Ku kēya, Jethu aye leec apēi tēnē Mothith. ⁴ Mac ayī dhiēth ala raan ye cak nhom. Ku Nhialic yen ē cak kāriēēc ēbēn. ⁵ Aŋicku ēbēn lōn cī Mothith wēt Nhialic gam ku looi apath wāār ye yen alony Nhialic, wāār cī Nhialic ye tāāu kōc Itharel nhīim. Ku lēk ke kāk bī rōt looi akōldā. ⁶ Ku Raan cī lōc ku dōc acī wēt Nhialic gam ku mēc manyde apath rin ye yen Wēnde. Ku ʒook kōc cī gam ʒok aa many Nhialic. ʒok aa manyde tē le ʒok tuēŋ ʒo deet ʒopuōth, ku nhiεmku ŋōthdan bī ʒo luōk akōldā.

Gamku wēt Jethu buk rēer ē duk

⁷⁻⁸ Kēya, Wēi Nhialic ē ʒook ʒōōk,
“Tāāukē wenhīim piny ku piēŋkē wētde ya akōl.
Ku duōkkē wepuōth wel wei tēnē yeen,

cimēn wäär cī kōc Itharel kepuōth wēl wei tēnē
Nhialic
wäär them yen keek ror liēet,
wäär jiēl kek pan Ijip.

⁹ Keek, aake cī kāk jāṅ gōi cī Nhialic looi rin bī yen
ke kony tiṅ,
ku ṅot ke cīi wēt Nhialic gam tēn ruōōn thiārṅuan,
bīk ciēt kōc ke them Nhialic, ku bīk tē lir yen puōu
thīn tiṅ.

¹⁰⁻¹¹ Nawēn ke riāāk puōu tēnē keek ku kuēēṅ ku
lueel,
'Kōckā aaciī wētdiē ben piṅ,
ku aacā bī puōl bīk tē ca guiēr ke bī kek la rēer thīn
ē duk, dōōt.' "

¹² Miēthakāi, tiētkē rōt bī ciēn raan tak kērac
kamkun bī wēt dhōl yic, ku wēl yepuōu wei tēnē
Nhialic yen tōu kēriēēc ēbēn yecin. ¹³ Yakē rōt
wēēt ē kamkun, ku dēatkē wepuōth akōlakōl, tē ṅot
ye wek ye lēu bāk wepuōth dhuōk ciēn, cimēn
wēt ye Nhialic lēk we bāk looi yakōl, "Pālkē luoi
adumuōōm, bī ciēn raan kuēeth jōṅrac wei, ku dhēl
wēt Jethu yic." ¹⁴ Rin na mukku gamda apei
akōlriēēc ēbēn, ku ṅōthku Nhialic cimēn wäär gēm
yok ye buk Jethu buōōth, ke yok aa tōk kek Jethu.
¹⁵ Yok aabi dhēl Jethu buōōth yic tē gam yok kē yeku
kueen cī gōt athōr thēer wēl Nhialic yic, ye lueel
buk cīi kuc, ku buk cīi cīt kōc Itharel wäär cī kēn
ē ye Nhialic lēk ke ror liēet dhōl yic.

¹⁶ ṅic kōc ke cī wēt Nhialic piṅ ku dhālkē yic?
Alēu ba ṅic lōn kōckā aa wārkuan dīt, kōc Itharel
wäär wēt Mothith kenhūim wei lēṅ yic pan Ijip.

¹⁷ Ku keek kōckā, cī Nhialic rac puōu tēnē ruōōn

thiärŋuan, aye kërac yen aa cīk looi. Kɔckä aaci bën thou ku dŋŋ guäpken ror liɛt. ¹⁸ Ku kē cī kek nhüim riɛl bik wēt Nhialic cīi piŋ, yen aci Nhialic puŋu bën riääk ku kueec, ku kuëëŋ bi kɔckä tē cī guiir bi kek la lŋŋ thīn cīi döt. ¹⁹ Këya, ayeku tiŋ lɔn aa kēc Nhialic bën puŋl bik ē tēn dööt, rin kēc kek wētde gam.

4

¹ Adhiɛlkē muk wenhüim lɔn tēpuoŋh wäär cī Nhialic thŋn ɣo bi ɣok la lŋŋ thīn ke ye, aŋot tiit yen ɣo thīn. Këya acīn raan kuec bi lŋŋ wäär cī thŋn ɣo cīi yök. ² Rin ɣok aaci Wēt Puoŋh Yam piŋ cīmēnden. Ku keek aaci wēt piŋ ku akēc ke kony, rin wäär piŋ kek ye aa kēckē gam. ³ Ku ɣok kɔc cī gam, ɣok aa lŋŋ cī Nhialic thŋn yök, rin ɣok aaci cīt wärkuan dīt wäär cī wēt cī Nhialic thŋn keek piŋ ku cīk gam, go lueel ɛlä, “Këya, ɣen aci puŋu riääk ku kuëëŋ, ‘Lɔn kɔckä aaci bi la tē bi kek la lŋŋ thīn.’ ” Ku lŋŋ ye Nhialic lueel ē tō thīn thɛɛr wäär cī yen piny cak. ⁴ Rin ayeku yök aya athör thɛɛr wël Nhialic yiic lɔn cī Nhialic lŋŋ luɔide yic aköl ye nin dhorou, tēwäär cī yen nhial ku piny cak ku kāk tō nhial ɛbēn thöl. ⁵⁻⁶ Cīt lɔn cī Nhialic ye lueel, “Kɔckä aaci bi la tēn lŋŋ.” Ku kɔc ke cī wēt kēnē kaŋ piŋ aa kēc bën la tēn lŋŋ rin cī kek wēt Nhialic dhöl yic. ⁷ Ku Nhialic ē cā aköl dēt looi. Ku ē yen akölē yen cī yen jam tēnē Debit wathɛɛr, cīt tē cī ye gāt thīn athör thɛɛr wël Nhialic, “Na piɛŋkē Nhialic röl ke cöt akölē, ke duökkē kuec cīmēn kɔc thɛɛr.”

⁸ Kēya, duōkkē tak lōn cī wārkuan dīt, pan wäär cī Nhialic lueel bī kek la lōŋ thīn dōōt wäär yeet kek pan kanaan, kek bānyden Jocuā wäär cī bēn a bēny Mothith cōk. Duōkkē tak, rin na ke cī pan cī Nhialic luōi ke dōōt, ŋuōt akēc Nhialic bēn lueel lōn le yen akōl dēt bī kōc cī wētde gam, bī kek la lōŋ thīn ke ye, bēn. ⁹ Ee yic! Aŋicku lōn ŋot bī yen la lōŋ tēnē kōc wēt Nhialic gam, cīmēn wäär cī Nhialic lōŋ nīn kadātem cōk wäär cēk yen pinynhom. ¹⁰ Rin raan cī lōŋ cī Nhialic thōn yōk, abī lōŋ luōide yic, cīmēn wäär cī Nhialic lōŋ luōide yic. ¹¹ Kēya, luuiku apath buk lōŋ kēnē yōk, rin bī ciēn raan tōk kamkua mār, cīmēn wäär cī wārkuan dīt kucē bīk wēt cīi gam. ¹² Wēt Nhialic arēēr thīn ku alui piērda yic akōlakōl. Wētde aril apēi, ee lōōny kōc puōth bī kāpath ku kārēc tō ŋopuōth tek thook. Acīt tōŋ moth dhie riŋ teem bī yom la tek thook. ¹³ Acīn kē lēu bī thiaan tēnē Nhialic. Aŋic kē cī cak ku adaai kēriēc ēbēn. Acīn kē lēu raan bī thiaan tēnē ye. Ku ē yen aye bēn lēk kārēc.

Jethu yen ē raandīt apēi kāk Nhialic

¹⁴ Jethu Wēn Nhialic, yen ē raandīt apēi kāk Nhialic rēēr kek Nhialic. Na ye kēya, ke ŋo muk gamda apath. ¹⁵ Raandan dīt apēi kāk Nhialic acie yepuōu ē pēn ŋo cōk alōn ye ŋok luui kārēc. Rin yeen ēcī jōŋrac them aya ē dhōl juēc yiic cīmēnda. Ku acīn awuōc cī looi. ¹⁶ Lokku tēnē Nhialic cī nyuc thōnyden dhēēŋ nhom ke ŋo cīi riōc. Tēēn, ŋok aabī liēr puōu yōk, ku yōkku dhēŋ bī ŋo kony tē wīc ŋok kuōny.

5

¹ Raandit kāk Nhialic theer ē ye kacke kuany bī ya jam tēnē Nhialic rin kōc ēbēn. Ku nēk kāḡ bī yen ke Nhialic door rin bī Nhialic kākken rēc yekē looi pāl piny. ² Ku yeen aya, ee ye luui kārēc akōlakōl rin ye yen raan. Ku kēya, alēu bī kōc cī mää, ku kōc cīn kē ḡickē ḡuään. ³ Ku rin cīi bēny ye riel apēi wēt Nhialic yic, ee kāḡ nōk bī yen ke Nhialic door rin kārēc ye kacke looi, ku rin kārēacke aya. ⁴ Acīn raandit kāk Nhialic rot kuany ē rot. Ee Nhialic ē rot yen ē raanden cī tak lōc cīmēn wäär lōc yen Aron.

⁵ Kēya, Bānyda raan cī lōc ku dōc ēcīi bāāny ye yen raandit kāk Nhialic rum. Ee Nhialic yen ē lōc ye wäär lueel yen ye ēlā, “Yīn ē Wēndiē, Ya akōlē, ḡen acī ya Wuur.” ⁶ Ku acī gōt athör theer wēl Nhialic yic lōn cī Nhialic ye lueel aya akōldēt ēlā, “Yīn acī lōc ba ya raan kāk Nhialic akōlriēc cīmēn Melkidhedek.”

⁷ Wäär ciēḡ Jethu pinynhom, ēcī rōōk apēi tēnē Nhialic, ku cōal Nhialic ke dhiau, Nhialic lēu ye bī kony thou yic. Ku yen acī Nhialic bēn kony rin yen Jethu yōk ke loi kēden wīc. ⁸ Na cōk alōn ye Jethu Wēn Nhialic, ke yeen acī dhiel bēn gum bī kē wīc Nhialic yen bī looi dhiel ḡic bī wēt. ⁹ Ku wēn cī yen jāl a raan la cōk, cī luōide lēu, acī bēn aa raan ye pīr akōlriēc ēbēn yōk thīn ē kōc wētde piḡ ku loikē. ¹⁰ Ku ē yen kē cī Nhialic ye bēn nyuōth kōc ēbēn, lōn ye Jethu Raandit apēi ē kāk Nhialic akōlriēc ēbēn cīmēn Melkidhedek.

¹¹ Ala wēl kōk ril kek ba lēk we ē wēlkā cōk, ku aril yic ba ke teet yiic rin wek aacit kōc la yiith adōk, cīi

kāŋ ye piŋ. ¹² Na we cī wepuōth pāl piny, ŋuōt wek aa kōc kōk piōōc wēt Nhialic emēn, rin tēn gam wek ye bāk aa kōc cī gam acī mεc. Ku wek aacī dhuk ciēēn, arēk nadē ke wek aa wīc kōc ben we piōōc wēl tueŋ Nhialic wāār cāk kaŋ ŋic. Wek aacīt mīth kor ŋot ke dhil muk ē ca, kēc guō dīt bīk mīth mīith ril kōth. ¹³ Ku raan ŋot cīt manh koor muk ē ca, aye nyooth lōn kēc yen wēt Nhialic deet apath. Aŋot cīt manh kuc kēpath ku kērac. ¹⁴ Miēth ril kōu ee kēn kōc cī dīt, kōc cī rōt piōōc bīk kāpath ku kārεc ŋic.

6

¹ Lokku tueŋ buk we piōōc wēl bī we cōl aŋic kājuēc. Acā wīc ba we piōōc kāk wāār wiēcķē bāk ke ŋic bāk aa kōc cī gam. Acā wīc ba ben lēk we bāk wepuōth dhuōk ciēēn rin adumuōōmkun ku bāk Nhialic gam. Kākkā aa ŋiēcķē ke thεr. ² Piōōc rin lōkwēi, ku piōōc bī cin tāāu kōc nhīim bī Wēi Nhialic lōōny kōc gup. Ku jāl a piōōc bī Jethu kōcken cī thou ben jōt bei thou yic akōl le yen dhuk pinynhom, bī luk bēn looi kam kōc cī wētde gam, ku kōc cī jai wētde. Piōōc cīt kēnē acie yen path bī ya dhuōk yic tēnē we akōlakōl. Kek aa kāk ye ke piōōc jōk. ³ Apath buk la tueŋ buk kājuēc kōk ŋic rin Jethu. Ku ē yen kē buk looi tē pēl Nhialic ye.

⁴ Rin acīi rot lēu bī kōc cī jāl gamden yic cōl aa ben kepuōth dhuōk ciēēn. Keek aake cī yic kaŋ ŋic, ku ŋicķē pīr yam cik yōk tēnē Raan cī lōc ku dōc, ku Wēi Nhialic. ⁵ Ee cik ŋic lōn puōth wēt Nhialic, ku tīŋķē kāk jāŋ gōi. ⁶ Ku kāk loikē ke emēn, aa ben kek Wēn Nhialic piāāt tim cī rīiu kōu, ku rēcķē guōp kōc nhīim ebēn.

7-8 Raan cī wēt Nhialic gam piānde ebēn athōŋ ke dom dhie la tiōom path, ee pīu yiōi na tueny deŋ ku pur ke lok apath. Raan cīt kēnē aye Nhialic puōu miēt tēnē ye, ku kony bī pīr akōlriēec ebēn yōk. Ku dom ye puur ku la kuōth cil thīn, acīt raan ye lēk wēt Nhialic ku cīi piŋ. Raan cīt kēnē aye Nhialic tēm awuōcdīt bī yen rēer pan mac akōlriēec.

9 Na cōk alōn cī ŋen we gāt athör kēnē wek māthkiē, ka ŋiec wek aa ŋot we la tuenŋ apath. Wek aa ŋot we kuany dhēl pīr akōlriēec ebēn yic.

10 Nhialic acie mītil nadē ke mār nhom kāpuōth cāk looi, ku tē nhiēer wek ye thīn cāk nyuōth ye kāk cāk looi yiic, ku kāk ŋot ke luōikē ke ēmēn rin kacke.

11 Ku wek aa wīcku bī ŋek la tuenŋ ke loi kāpath cīt kāpuōth thēer akōlakōl yet akōldā. Rin bī kē ŋōthkē yenhom tiēeŋ. 12 Awīcku bāk rōt cīi dak luōi kāpath yiic. Awīcku bāk ciēt koc wāär cī gam, yet tē yōk kek kēpuōth wāär cī Nhialic thōn ke.

Athōn Nhialic ē yic

13 Wāär lueel Nhialic ye lōn bī yen Abaram gām mīth juēc, acī rot kuēēŋ rin cīn yen raan dēt dīt tēnē yen bī ye kuēēŋ ē rienke. 14 Ku lueel, “Yīn alēk yic! Yīn aba dōoc ku gām yī mīth.” 15 Go Abaram tūt ku ŋōōth kē cī Nhialic rot kuēēŋ yet tē cī kēnē yenhom bēn tiēeŋ. 16 Tē kuēēŋ raan, ee kuēēŋ rin raandīt tēnē ye. Ku kuēēŋde aye gam. 17 Ku ē wīc Nhialic bī cōl ala gēi, lōn bī yen kē cī thōn guōt nhom ke cīi war yic. Ku kuēēŋ bī wētde dhiel a yic. 18 Nhialic acī ŋo lēk kāŋ karou, athōn ku kuēēŋ, lōn bī yen wēlke muk nhīim. Ku rin ē kākā karou, aŋicku lōn ye athōn yic. Keek aacie rōt ye waar ku Nhialic

acie lueth ye lueel. Nhialic acī kēnē lueel bī yo dæet puəth apēi lōn bī n̄āthda tēnē Nhialic yenhom tiεεŋ. ¹⁹ Ku rin n̄āthda tēnē Jethu yen aye yok thōny Nhialic dōöt, tēwäär cī Jethu la thīn yonhīim tuen bī la rōök ku lēŋ Nhialic ē rienkua.

²⁰ N̄jōth ye yok Nhialic n̄jōth kăpuəth cī thōn yo rin wēikua yen ē yo muk puəth, rin Jethu acī yo wat nhīim pan Nhialic. Ku yeen acī jāl a raandīt apēi kāk Nhialic cīmēn Melkidhedek, akōlriēēc.

7

Melkidhedek

¹ Melkidhedek ē ye bēnydīt gen cəl Thalam, ku yen aya ē ye raandīt apēi kāk Nhialic Madhəl. Nayōn akāl tōk ke piŋ lōn cī Abaram la dhuk tōŋ yic ke cī tōŋ bāny wuət kaŋuan cop. ² Go Abaram Melkidhedek juēr tōŋ thiäär kāk cī ke la peec tōŋ yic. Melkidhedek, wētde yic, “Bēny la cök.” Ku ē ye bēny dōör aya. Cīmēn rin genden cəl Thalam, wētde yic, ee “Dōör.” ³ Acīn wun ku man ku kuat. Ku tēn jōök piērde rot thīn ku le thök acīi ŋic. Arēēr ke ye raan kāk Nhialic akōlriēēc cīmēn Wēn Nhialic.

⁴ Jalkē tiŋ tē diīt Melkidhedek thīn! Agut Abaram guöp, raandīt wärkuan dīt thεεr, acī tōŋ thiäär kākken wäär cīk la peec tōŋ yic, juēr ye. ⁵ Alēu raan bī gam lōn ye kē cī Abaram ajuēr gām Melkidhedek yic, tēn ye Melkidhedek raan Lebī, kuat Abaram kek kōc kāk Nhialic ē kōc Itharel wäär tōk thiäär yic juaar tēnē kacken cīt lōŋ Mothith. ⁶ Ku yen Melkidhedek acie raan kuat Lebī, ku aca ajuēr bēn lööm tēnē Abaram ku cuēt piū. Ku Abaram acā

athōn Nhialic yök. ⁷ Ku aŋicku aya lōn raan yen kōc dōc, awār raan bēn tēnē ye bī bēn dōc. ⁸ Ku dēt aya, kōc kāk Nhialic wäär ajuēr kuany, aake ye kōc ē path, aaci bēn thou cīmēn bī yōk thou, ku aye athör thēer wēl Nhialic lēk yō lōn Melkidhedek apīr. ⁹ Alēu buk lueel lōn ye Melkidhedek raandīt apēi kāk Nhialic tēnē kōc Lebī, kōc kāk Nhialic. Rin Abaram wundīt kuat Lebī, yen aci tōŋ thiäär kāk wäär cik la peec tōŋ yic juēr Melkidhedek. ¹⁰ Kēya, alēu bī lueel lōn kōc Lebī aaci tōŋ thiäär juēr Melkidhedek aya, rin ye kek kōc riēm Abaram.

¹¹ Na lēu kōc Lebī, kōc kāk Nhialic bik yō cōl aala cōk, ŋušt acīn dēt ben raan dēt kāk Nhialic cīmēn Melkidhedek bēn, raan cīi cīt Arōn, raandīt kāk Nhialic wäär ē kuat Lebī. Ku kōc Lebī, kōc kāk Nhialic aake buōth lōŋ Mothith yic. ¹² Ku aa kēc yō bēn cōl aala cōk. Ku kēya, acie raan dēt kāk Nhialic yen wīcku ē rot, yōk aa wīc lōŋ dēt yam aya. ¹³ Jethu Bānyda, raan jīēm yōk riēnke ēmēn, ee cie raan dhiēnh Lebī. Ku acīn raan tōŋ kuatde cī kaŋ a raan kāk Nhialic, ee Nhialic door yīk nhom. ¹⁴ Aŋicku lōn Bānyda Jethu ē raan dhiēnh Juda. Ku akēc Mothith puōl bī kōc dhiēnh Juda ya kōc kāk Nhialic.

Raan dēt kāk Nhialic cīt Melkidhedek

¹⁵ Aci jāl la gei apēi ēmēn, tē le raandīt dēt kāk Nhialic cīt Melkidhedek tuōl. ¹⁶ Raan kēc aa raandīt kāk Nhialic cīt lōŋ ciēēŋ kōc pinynhom, aci ya raandīt kāk Nhialic cīn kē bī rielden pīr akōlriēc ēbēn kaŋ rac. ¹⁷ Rin aye athör thēer wēl Nhialic lueel ēlā ē riēnke, “Yin abī ya raan kāk Nhialic akōlriēc ēbēn cīmēn Melkidhedek.” ¹⁸ Ku lōŋ thēer

wäär acī puōl acīi ril. Acie kōc ē kony. ¹⁹ Rin lōŋ Mothith acie kōc cōl aala cōk. Ke ēmēn yōk aala lōŋ yam yō cōl aŋōth lōn bī yōk thiōk kek Nhialic.

²⁰ Ku dēt, Nhialic ēcī kuēēŋ aya kēde. Ku acīn kōc kōk cī ya kōc kāk Nhialic cī yen kuēēŋ kēden. ²¹ Ku Jethu acī ya raandīt kāk Nhialic apēi rin cī Nhialic kuēēŋ wētde wäär lueel yen ye ēlā, “Υεν acī kuēēŋ ku acā bī waar yic. Yin ē bēny akōlriēc ēbēn.” ²² Rin ē kuēēŋ kēnē yen acī yōk ye ŋic lōn lōŋ dōōr ē yam cī Nhialic looi ē Jethu, ya kēpath.

²³ Ku dēt cīi kek thōŋ akīn. Kōc kāk Nhialic thēer aake ye juēc, rin na cī raandīt kāk Nhialic thou, ke raan dēt ala nyiēnde. ²⁴ Ku Jethu apīr akōlriēc ēbēn, luōiden ē yen raandīt kāk Nhialic acie rot ye waar. ²⁵ Jethu ala riēl dīt bī kōc buōth dhōlde yic kony ēbēn, kōc wīc ye bīk la tēnē Nhialic. Rin ē rēer ke lāŋ Nhialic ē rienken.

²⁶ Jethu yen ē raandīt kāk Nhialic cī kākua lēu. Arēer ke dhēēŋ Nhialic, acīn guōp adumuōōm, ku yen acī Nhialic tēk bei tēnē kōc kārēc looi, ku tēēu kāk cī cak nhīim ēbēn nhial. ²⁷ Yen acīi thōŋ kek kōcdīt kāk Nhialic wäär yōk nōk ruōōn thok ēbēn, rin bī adumuōōmken ku adumuōōm kacken pāl piny. Jethu acīi thōŋ ke ke. Acī rot juaar arak tōk wäär thou yen tim cī rīiu kōu rin adumuōōm kōc ēbēn. ²⁸ Kēya, alēuku buk ŋic lōn kōc kāk Nhialic wäär ē luui dhōl lōŋ Mothith aake cīi la cōk. Ku athōn Nhialic cī yen kuēēŋ wäär lōŋ Mothith ēbēn cōk, acī Wēnde looi bī ya raan la cōk akōlriēc ēbēn.

8

Jethu yen ee raandan dīt kāk Nhialic

¹ Wēt ril yen wicku buk lēk we, ee lōn le yok raandīt kāk Nhialic cī nyuc lōŋ cuēc thōny Nhialic Madhəl nom nhial. ² Jethu alui ke cīt raandīt kāk Nhialic, tē rēer dhēerj Nhialic thīn ayic tēn ē looi Bēny ke cie raan.

³ Ku cīt lōn ye raandīt kāk Nhialic kuany bī kāŋ aa juaar ku nēk yōk tēnē Nhialic, ke raandan dīt kāk Nhialic aya adhīl la kē ye juēr Nhialic. ⁴ Ku na Jethu rēer pinynhom, ŋuōt akēc kaŋ a raan kāk Nhialic, rin kōc kāk Nhialic, ke ye Nhialic nāk yōk cīt tē ye lōŋ Mothith luēl ye aake tō thīn. ⁵ Ku luoi yekē looi kek kōc kāk Nhialic kā, ee ye kīit yen ē ye kek kāk ye looi nhial tē rēer dhēerj Nhialic thīn kiēt. Ku yen athōŋ kek luoi Mothith. Rin wäär wic yen ye bī duēl looi ēcī Nhialic lēk ye ēlä, “Adhīl ŋic lōn yīn adhīl kāŋ looi ēbēn cīt tēden wäär ca nyuōth yī ē gōt nom.” ⁶ Ku Jethu emēn, raandīt kāk Nhialic acī gām riēldīt yen luui wār riēlden. Rin dōör yam cī looi kam Nhialic kek kacke aŋuēen apēi, rin dōör yam aa rēer kāpuōth cī Nhialic thōn yo thīn.

⁷ Na lōŋ dōör tuēŋ wäär la cōk ŋuōt acīn kē cī Nhialic lōŋ dēt ben wic. ⁸ Rin ēcī Nhialic yōk lōn lōŋ dōör tuēŋ ēcīi path tēnē kacke, go lueel ēlä, “Nīn aaci thiōk, lueel Bēny, tē bī ŋen lōŋ dōör yam looi kek kōc Itharel ku kōc Juda.

⁹ Acīi bī ciēt dōör tuēŋ wäär ca looi kek wārken dīt akōl

wäär nyεei γen keek pan Ijip.
Aake kēc lōŋ dōr ca looi ke keek muk nhom apath,
guo kuεc ē keek, lueel Nhialic.

¹⁰ Ēmēn, dōr ba looi kek kəc Itharel nin bī bēn cök
akīn,

lueel Bēny.

γen abī lōŋkiē tāau kenhīim ku kepuōth.

γen abī ya Nhialicden ku yekē kackiē.

¹¹ Acīn raan ē kamken bī miēthakēn bēn piōc,

nadē ke lēk kəcken ē baai, ‘Ŋic Bēny.’

Rin keek aabā ŋic ēbēn, meth ku raan dīt.

¹² γen abā adumuōmken pāl piny, ku cā kāracken
ben kuēc nhīim.”

¹³ Jalkē tīŋ ēmēn, wēn lueel Nhialic yen ka bī lōŋ
dōr yam looi, ee ŋic lōn cī lōŋ dōr thēer path, ku
aŋicku aya, na cī kēdāŋ riāak apēi ka cīn kē kuny
kəc.

9

Tēye Nhialic duōr thīn wāthēer

¹ Lōŋ dōr tuēŋ ē la tēden ye Nhialic duōr thīn,
ku tē ye Nhialic door thīn ēcī looi aya pinyhom
tēn. Kəc kāk Nhialic Lebī aake ye Nhialic door γōn
cī puōl bī ke Nhialic ya door thīn, ku duēl aake tō
pinyhom ē tēn. ² Duēl ye Nhialic door thīn ē ye
looi ke ye yic rou. γōn ye kaŋ yök tē le kəc duēl
yic, ee cəl Tēyaath ē Nhialic. Ku lōŋ kēnē, many
adök ē dēp ē ye tōōu thīn, ku agen ye ayum cī juēr
Nhialic tāau yenhom aya. ³ Ku γōn tō alanh cī duēl
tek yic kōu, ee cəl γōn Yaath apēi ē Nhialic. ⁴ Ku
ē γōn kēnē yen arēer agen thīn, agen cī təc nhom

mīlāŋ tōc ye raan kāk Nhialic Lebī adōŋ ŋīr cī took tōŋu yenhom, ku ē yōn kēnē aya yen arēer rōŋdīt tet, ye cāl Rōŋ Lōŋ ē dōŋr thīn. Ku yen arēer tōny mana thīn, ku wai Aron ē ye rēer thīn aya. Wai kēnē ēcī Nhialic cāl acil kōu ayōr ku looi yōŋk cōk alōn ee yen tim thēer cī riel. Ku aleel dīt tet karou cī lōōŋ Nhialic kathiäär gōt thīn, aa tō thīn aya. ⁵ Ku ē rōŋ dōŋr kēnē nhom, atuuc nhial karou cī kiēt, cāl Kerubin ē diik aake tō thīn. Ku keek aake ye Nhialic nyuōth. Aake la kōth wuōk dīt rōk kum nhom tēn yen ye cāl, “Pēl Piny KāreC.” Rin tēn, arak tōk ruōŋn yic, raan dīt kāk Nhialic ē ye kōc wiēth rim kē cī nōk tēnē Nhialic rin be adumuōmke ku adumuōm kacke pāl piny. Ku ēmēn acā wīc ba kājuēc kōk ŋīeC rin ee kēnē teet.

⁶ Kēya, kōc kāk Nhialic aake ye Nhialic door cīt tē cī guiēr ye. Aake ye la yōn tuēŋ bī kek Nhialic aa la door thīn. ⁷ Ku yōn yaath Nhialic, ee raandīt kāk Nhialic yen ē la thīn ē rot, bī la rōōk thīn arak tōk ruōŋn tōk yic. Tē le yen yōt, ee riēm wēŋ cī juēr Nhialic muk bī la wiēth yōt, bī Nhialic awācke ku awuōc ye kacke looi ke kuckē pāl piny. ⁸ Aye Wēi Nhialic nyuōth yō ē kēnē yic lōn nadē ke dhēl la yōn yaath Nhialic ē yic, aŋot kēc ŋaany thok cīt lōn ŋot kōc lui dhēl thēer. ⁹ Kē lēuku buk deet ē kēnē yic aya ēmēn, ee lōn nadē ke riēm wēŋ cī juēr Nhialic ye wiēth kōc, aacie kōc ē Nhialic door ye looi bīk puōth la cōk. ¹⁰ Kākkā ēbēn aa kāk lōŋ thēer, lōŋ ye kāŋ nōk ku cuet ke ē path. Ku kājuēc kōk ye looi bī awuōc laak wei, aa kōc gup path ayeer kek aaye

9:4 B.bei 30:1-6; 25:10-16; 16:33; Kn 17:8-10; B.bei 25:16; L.rou 10:3-5 **9:5** B.bei 25:18-22 **9:6** Kn 18:2-6 **9:7** Leb 16:2-34

lōk. Kākkā aa löōŋ ke rēēr thīn thēer cīn kē yekē kony yet tē bī Nhialic dhēl yam, dhēl adumuōōm nyaai kōc puōth guir.

Lōŋ yam cī Jethu thany ē riemde

¹¹Jethu acī ya raan dīt kāk Nhialic. Kājuēc path cī bēn pinynhom rin cī yen la duēl dīt la cōk ē Nhialic yic, duēl cīi loi kōc cīn pinynhom ē tēn. ¹²Wäär le Jethu duēl yic, ēcī la tē dhēŋ apēi arak tōk bī rēēr thīn akōlriēēc ēbēn. Ku wäär le yen ē tēēn acie riem thōk ayī riem weŋ yen cī la wiēth duēl yic. Ee riemde yen ēcī juēr Nhialic rienkua bī ŋo luōk akōlriēēc ēbēn alanden. ¹³Wāthēer kōc kāk Nhialic aake ye riem thōk ku riem muōar löōm bī kek kōc wiēth, rin bī awācken pāl piny. Ku keek aya aake ye manh weŋ ē dōu nōk ku nyopkē abī ya col. Ku liōrkē ē pīu ku wīth kek kōc la gup adumuōōm rin bī adumuōōmken wuōōny wei. ¹⁴Na ye kēya, bī riem Raan cī lōc ku dōc yiēndē, cī adumuōōmkua bī laak wei ŋopuōth, ku buk lēu buk Nhialic pīr ya luōōi? Ku riel Wēi Nhialic yen acī Raan cī lōc ku dōc rot juēr Nhialic ē rienkua. Kēya, ajuēr la cōk cīn diu.

¹⁵Ku rin ē wēt kēnē yen aye Jethu raan yen loi löŋ dōōr yam, rin bī kōc wäär cī Nhialic thōn pīr akōlriēēc ēbēn, pīr yōk. Kēnē abī rot lēu rin cī Jethu thou bī kōc waar kārēc yiic, kāk wäär cī looi löŋ dōōr tuēŋ yic. ¹⁶Kēnē athōŋ kek raan kākke ciēn tē bī lōk tēk ke tē le yen thou. Ee kē bī ŋek ē miēthke yiic lōk löōm tē le yen thou than piny. ¹⁷Ku acīn raan kēdāŋ guō nyaai tē ŋot pīir yen. Ku na le thou ke kāwēn cī dōŋ aaye ŋek kē cī tēk ye jāl nyaai. ¹⁸Agut löŋ dōōr thēer aya, awīc bī kēdāŋ kaŋ nōk bī riem

kuēr bī tē door Nhialic thīn jāl la cök. ¹⁹ Mothith ē ye kəc kaŋ lək lööŋ Nhialic ēbēn. Ku jəl riem miöör ku thök cī nök liäap ē pīu, ku wīth athör cī lööŋ gət thīn ku kəc. ²⁰ Ku lueel, “Kēnē ē riem löŋ döör, löŋ cī Nhialic lək we bāk muk apath.” ²¹ Ku Mothith ē ye duël ku kāyaath ye tōöu thīn wiēth riem aya. ²² Kēya, cimēn löŋ thēer, yök aake ye nök bī riemden lööm bī kəc kəc, ku na cīn kē nāk bī riem kuēr ka adumuööm aacī pəl piny.

²³ Duël ye Nhialic door thīn ku kək tō thīn ēbēn, aake ye kāk ye duör ē yic tō pan Nhialic kiēt, rin ye käreç tō kəc gup wuööny wei rin yök ye nök ē path. Ku luai ē yic nhial tēnē Nhialic, adhil wic ajuēr la cök, ²⁴ Kēya, Raan cī ləc ku dəc akēc la duël ye Nhialic door thīn yic, duël looi raan pinynhom ē tēn kēcīt kiit ye ke käreç wuööny wei kəc gup rim ē yök. Yeen nhom guöp acī la pan Nhialic, ku arēär thīn ke löŋ Nhialic emēn rienkua. ²⁵ Raandit kāk Nhialic kuat Lebī ē ye duël la wiēth riem kē cī nök cie riemde arak tők ruöön thok ēbēn. Ku Jethu akēc rot juaar arak juēc, acī rot gam arak tők giliŋ. ²⁶ Ku emēn acī bēn arak tők cīt tē cī Nhialic ye guiēr thīn bī rot bēn juēr Nhialic bā adumuööm nyaai. ²⁷ Cimēn ye raan thou arak tők ku yēth luk yic arak tők Nhialic nhom, ²⁸ Jethu acī gam bī thou arak tők bī adumuööm kəc ēbēn nyaai. Ku abī bēn dhuk ku acī bī bēn thou rin adumuööm, ku ē rin bī yen kəc ŋjth ye bēn luök.

10

¹ Löŋ thēer Mothith, ee kiit yen ē ye kāpuoth bī

röt looi aköldä kiëët. Ee cii thöŋ kek kəpuəth cī bēn kek Jethu raan cī ləc ku dəc. Käk ke ye näk Nhialic rušön ebēn cīt tēn löŋ theer, aake cie kəc ke ye Nhialic door cəl aala cök. ² Na kək ke ye näk Nhialic kəc cəl aala cök, ŋušt kəc akēc la tuen ke ye kəŋ näk Nhialic. Rin ŋušt kəkä aake bā adumušömm kəc Nhialic door wušöny wei arak tök, ku cīk ben ya tak lən le kek gup adumušömm. ³ Ku keek aake ye kək yekē näk Nhialic rušön thok ebēn, cəl aa takkē lən le kek gup adumušömm. ⁴ Rin aciī rim yök ku rim thök ye nək lēu bik adumušömm wušöny wei.

⁵ Kēya, ecī Raan cī ləc ku dəc lək Nhialic wäär bii yen pinynhom elä,

“Yin aciī wic kək ye nək ku kək ye juēr yiin, rin cī yin ya gām gušpdien bi juaar tēnē yiin.

⁶ Yin acie pušu ye miət yök ye näk yiin tēdē ke ye kək ye juēr yiin bik adumušömm nyaai.

⁷ Ku luēl, yən akīn ba kē wic looi Nhialic Madhəl, cimēn cī ye gət rienkiē athör löŋ theer yic.”

⁸ Emēn, täaukē wepuəth piny ku takkē wēt cī Jethu lueel tuen elä, “Yin aciī wic, ku tēdē yin acie pušu ye miət tēnē kək ye juaar, ku kək ye näk yi bik adumušömm nyaai.” Acī lueel kälä cək alən ye kək ye juaar looi cīt tē ye löŋ ye luēl thīn. ⁹ Ku lueel, “Yən akīn Nhialic Madhəl, ba kē wic ba looi, looi.” Kēya, Nhialic aci tētheer ye ye duəor thīn puəl, ku wēen Raan cī ləc ku dəc thīn, bi riemde kuēr rin bi adumušömm kəc ebēn nyaai. ¹⁰ Jethu raan cī ləc ku dəc aci kē wic Nhialic tēnē ye bi looi, looi. Ku rin cī yen rot juaar arak tök theer, kəkkuan rēc aci wušöny wei ebēn.

11 Raan kāk Nhialic Itharel, aye kāḡ nōk wāthēer akōlakōl bī yen Nhialic door. Ku aaye kāk tōḡ thōḡ juēr Nhialic arak juēc. Ku kāk ye ke juaarkā aake cie adumušōm ye nyaai. 12 Ku Raan cī lōc ku dōc acī rot juaar arak tōk rin adumušōm, ajuēr cī ye bēn lēu bā awäckua nyaai akōlriēc ēbēn. 13 Ku emēn atīt yet tē bī Nhialic kōc aterde guir ku dhuk ke yecōk ciēn. 14 Ku ajuēr cī looi arak tōk, acī kōc cī adumušōmken nyaai looi bīk la cōk akōlriēc.

15 Ku Wēi Nhialic ē jam tēnē ḡo ē wēt kēnē aya. Acī lueel ēlä, 16 “Lōḡ dōör ba looi ke ke akīn nīn bī bēn cōk, lueel Bēny. Ḣen abī löḡkiē tāāu kenhīim ku kepušth.” 17 Ku ben lueel, “Ḣen acī adumušōmken ku kārēc yekē ke looi ben kuēc nhīim.” 18 Wek paan ē ma, kārackua aacī pāl piny papot. Na ye kēya, le dēt ḡot wīc ḡok bāny bīk ḡōk aa nōk rin bī adumušōmkua pāl piny?

Bāk lok tēthiäk ke Nhialic

19 Kēya miēthakāi, ḡok aacī nhīim lääu alanden buk la Ḣōn Yaath apēi ē Nhialic tō nhial, rin cī Jethu rot juaar bī nōk bī riēnde kuēr. 20 Wäär thou yen tim cī rīiu kōu, acī kēn ḡo gēl buk cī la Ḣōn Yaath apēi ē Nhialic bēn rac. Ku jōt rot raḡ yic, ku emēn arēr Ḣōn Yaath apēi ē Nhialic ke läḡ Nhialic riēnkua. 21 Ku na cuk la raandīt kāk Nhialic yen mac kōc Nhialic, 22 cīt mēnē ye kākkuā yith, lokku tē rēr Nhialic thīn thōnyde nhom ē puōn ḡer ku gam cīn yic diu. Lokku kek puōthkuan ḡer cīn yiic luoi kārēc rin cī ke lōk riēm Jethu. Ku rin cī ḡo muōc nhīim bā adumušōmkua laak wei aya.

²³ Kēya, mukku kē cī thōn γo piān tōk ke γo cie puōth ē rou, rin aŋicku raan cī γo thōn ē wētde tiēη nhom. ²⁴ Takku tē bī γok γopuōth aa dēet thīn, buk nhiēr ku luōi path aa nyuōth. ²⁵ Dukku kē ye γok γonhīm mat γodhie pāl cīmēn ye wāmāthkuan kōk ye looi. Lok tueη γo cīi dhār γo deet γopuōth, buk rōt aa lēk buk aa bēn amat yic, aŋicku Akōl bēn Bēny acī thiōk.

²⁶ Acīn kāk ye nāk Nhialic lēu bī adumuōm pāl piny, tē ηot le γok tueη γo loi kārec ke yic cī lēk γo. ²⁷ Kēya, γok aa dhil tiūt γo riōc rin akōl bēn Luŋdīt, γok kōc cī wēt Nhialic dhāl yic, γok aabī tēm awuōc bī γok rēer pan mac akōlriēc ēbēn. ²⁸ Aŋieckē, wāthēer tē kueec raan bī lōη Mothith cīi piη, ku gōony kōc karou ayī kōc kadiāk, ka dhil γāth ē kōcdīt nhīm, ku biōok aleel bī thou. ²⁹ Jālkē thōōη, na ye raan cī lōη Mothith dhāl yic tēm awuōc cīt kēnē, ke ya awuōc yīndē bī Nhialic tēm kōc cī kuec wēt Wēnde? Acīt lōn cī kek Jethu dhāl guōp, ku cuitkē, ku witkē piny ku kēckē yic. Ku acīt lōn cī kek dōōr cī Jethu looi riēnde kamken yōōη yic. Ku acīt lōn cī kek Wēi Nhialic lāāt wēl rēc rem apeī, cōk alōn kony yen ke. Kōckā aabī dhiel tēm awuōc thiek apeī. ³⁰ Aŋicku yen raan cī ye lueel thēer ēlā, “Piēŋkē! Ee γen ala riel ba kāη guōōr.” Ku aŋicku lōn cī yen ye lueel aya ēlā, “Bēny abī kacke tēm awuōc.” ³¹ Kēya, abī rēc alanden tē ye yen Nhialic pīr akōlriēc ēbēn yen tēm raan awuōc.

³² Miēthakāi, takkē tēn ye wek rēer thīn wāthēer. Wāār cī wek wēt Jethu gam, wek aa dhiel gum ku wek acī puōth bēn riel. Wek aakēc puōth bēn bath

rin käreɔ cī we yök. ³³ Wek aa we ye lat ku bui we aköldët. Ku aköldët, wek aa we ë kɔc kɔk kony tē tiŋ wek ke ke baŋ cīmëndun. ³⁴ Wek aaci gum kek kɔc cī mac, ku wek aakëc puõth riääk tē wäär ye käckun peec, rin ñic wek yeen lɔn wek aabi kãpath wär käckä la yök pan Nhialic. Käpuõth cīn raan bī ke kaŋ nyaai tēnē we. ³⁵ Duökkë puõth bath bäk wët Jethu wai wei, rin wek aabi ariöpdit yök pan Nhialic. ³⁶ Apath bäk wepuõth dɛɛt tē beŋ we, rin ke wek aaci kē wīc Nhialic looi, ku yökkë kē cī Nhialic thön we.

³⁷ Rin aye athör theɛr wël Nhialic lëk ɣo ëlä, “Ee kaam thiin koor ku raan cī lueel ka bö acii bī gääu, abī guɔ bën. ³⁸ Ku kockiën la cök aabi rëer gam yic, ku yen acii puõu bī miɛt tē cii kek kepuõth bī dɛɛt.” ³⁹ Ku ɣok aacii cit kɔc guɔ dhör bīk mää, ku ɣok aala gam bī ɣook luök.

11

Gam

¹ Gam yen ë ɣo cɔl aŋic käk ñöthku ke bī röt looi. Ku yeen ë ɣo cɔl aŋic käk cuk ye tiŋ.

²⁻³ Ee gam yen aye ɣok ye ñic lɔn ë cek Nhialic piny ku nhial kek käk tō thīn ëbën wët lueel ë path. Ku käk yeku ke tiŋ ëmën acīn kën cii Nhialic lööm bī yen ke cak. Ku wäär le wärkuan dit gam tēnē Nhialic, yen aci Nhialic ke bën gam.

⁴ Ku gam yen aci Abel Nhialic bën juër këpuõth cī Nhialic bën nhiaar apeɪ, wär kē cī Kain mēnhē juaar tēnē Nhialic. Ku gamde yen aci Nhialic puõu bën miɛt tēnē ye. Ku ñic Nhialic lɔn ë yen raan la

cök. Kēya, kē cī Abel looi cī yen Nhialic gam apeī anjot yeku yök ɣopuōth ke path emēn tē tək yok ye, cök alon cī yen thou thεεr. ⁵ Ku raan dēt la gam ril cīt Abel aya, ee ye Enok. Gamde yen acī Nhialic ye bēn jat nhial ke kēc thou. Guäpde akēc bēn yök rin cī Nhialic ye nyaai. Aye athör thεεr wēl Nhialic lueel lōn Enok ē ye Nhialic cōl amit puōu, wäär rēer yen pinynhom. ⁶ Acīn raan lēu ye bī Nhialic cōl amit puōu tē cīn yen gam. Rin raan bēn tēnē Nhialic adhīl gam lōn Nhialic atō thīn, ku ē kōc ye thiēc gām kē wickē.

⁷ Ku gam yen acī Noa wēt Nhialic bēn piŋ, wäär lēk Nhialic ye ye lōn bī aboordīt bēn bī kōc la gup adumuōm bēn tēm awuōc. Go Noa wēt Nhialic gam. Ku guεŋ riāi ka aboor kēc bēn bī yen kacke kony. Ku gamde akēc yen käreεc ye kōcken kōk ke looi bēn nhiaar. Ku Noa acī Nhialic bēn cōl ala cök rin gamde.

⁸ Ku ee gam aya yen acōl Abaram agam kē cī Nhialic lēk ye. Ku ler pan cī Nhialic lēk ye cök alōn awēn kuc Abaram ē pan kēnē. Pan kēnē yen ēcī Nhialic lueel lōn bī yen ye gām miēthke aköldä.

⁹ Ku gam yen acī Abaram bēn cien ke ya alei pan wäär cī Nhialic thōn ye. Ku jōl nōōth lōn bī Nhialic piny kēnē gām miēthke aköldä. Ku jōl cien duēl yiic. Ku lōk Ithāk kek Jakob cien thīn aya, kōc wäär cī Nhialic thōn lōn bī yen piny kēnē yiēk ke.

¹⁰ Abaram acī rēer ē pan kēnē ke tit gen cī Nhialic buth, yen cī Nhialic thōn ye cī cīt duēl.

¹¹ Ku ē gam cī Abaram Nhialic gam yen ē dhiēeth yen meth cök alōn wäär cī yen dhiōp apeī. Ku

tiēṅde Thara ke cīi dhiēth. Acī ṅōōth lōn bī Nhialic athōnde tiēṅdē nhom. ¹² Na cōk alōn awēn cī Abaram dhiōp apēi, bī raan ēbēn ṅic lōn cīi yen bī bēn dhiēth, ke yeen acī bēn a wundit kōc juēc apēi cīt liēet, ku kuēl nhial cie kueen.

¹³ Kōckā ēbēn aacī gamden muk agut tē thou kek. Keek aake kēc kāk cī Nhialic thōn ke yōk. Ku aake yekē tīṅ tēmec, ku gamkē ke ke mit puōth. Ku ē yekē lēk kōc lōn aa rēēr kecīt jōōl pinynhom ē tēn, ke bī bēn tē cī lēk ke. ¹⁴ Alēuku buk ṅic ēmēn lōn kōc jam kēlā, aaye kē nyuōōth lōn wīc kek pan bī ya panden. ¹⁵ Na yekē tak lōn ye pan cik nyāāṅ wei panden, ṅuōt aacī dhuk thīn. ¹⁶ Ku acīk wīc kepuōth apēi bīk yet pan path, pan tō nhial. Ku Nhialic acie guōp ye yār tē cōl ye, ke Nhialicden. Ku kēya, acī gen path guir tēnē ke.

¹⁷⁻¹⁸ Ku gam yen ēcī Abaram rot guir bī wēnde Ithāk nōk wāār them Nhialic ye. Yen Abaram raan cā athōn Nhialic yōk, ee wīc bī manhden tōṅ tō yenhom nōk, cōk alōn cī Nhialic ye lueel tēnē ye lōn ē Ithāk yen abī yīn mīth ca thōn yī yōk tēnē ye. ¹⁹ Acī Abaram tak lōn bī Nhialic Ithāk jot akōldā. Ku kēya, Abaram acī Ithāk yōk ke cīt raan cī Nhialic cōl aben pīr.

²⁰ Ku gam yen acī Ithāk Jakob ku Ethau thōn dōc Nhialic rin kāk bīk yōk akōldā.

²¹ Ku gam yen acī Jakob wēēt wēnde Jothep bēn dōc wāār cī yen thiōk ke thou. Ke kāac ke cī yenhom guōt waiden ē yen piny thany, ku rōōk

Nhialic. ²² Ku gam yen aci Jothep ye ɲic wäär cī thuənde thiək lən bī kəc Itharel jəl pan Ijip. Ku lək ke bīk yuəmke cīi nyiëəŋ pan Ijip aköldä le kek jəl.

²³ Ku gam yen aci kəc ke dhiëth Mothith ye bən thiaan pēi kadiäk wäär cī ye dhiëth. Ee cīk tīŋ ke ye manh path apēi. Ku ke aake kəc riöc wēt kəc kek lōŋ bēnyaknhom pan Ijip theek.

²⁴ Ku gam yen aci Mothith bən kuc wäär cī yen dīt bī cīi ye cəəl ke manh nyan bēnyaknhom. ²⁵ Na cī wīc bī puəu ya miət, miət ē puəu cie ceŋ ē bən luəi käreɕ yiic, ɲuət aci rēer pan bēnyaknhom. Ku aci bən nhiaar bī rēer kek kacke bī gum ke ke. ²⁶ Acī yök yepuəu lən bī yen kəpath yök thīn tē guum yen kuɕ ciεŋ rin ē kacke. Cīmən wäär cī Raan cī ləc ku dəc gum, tən tē bī yen kəjuēc path yök pan Ijip. Rin ē ɲəth ariöp bī yök aköldä.

²⁷ Ku gam yen aci yen bən jəl pan Ijip ke cīi riöc riääk puəu bēnyaknhom. Ku le tuen ke gum ciət cī Nhialic cie tīŋ, tīŋ. ²⁸ Ku gam yen aci Mothith wēt Nhialic bən piŋ. Ku guiir tē bī kəc Itharel jiël thīn pan Ijip. Ku lək ke bīk thök nək. Ku rəthkē yöötken thook riem, rin na la atuny Nhialic bī mīth rōör ke kəŋ dhiëth bən nək, ke cīi mīth rōör kai kəc Itharel met thīn.

²⁹ Ku gam yen aci kəc Itharel Wār Lual bən teem ke ciət cī döu. Nawən jəl wīc kəc Ijip bīk ke buəoth, ke wār ben thiäŋ ku moukē.

³⁰ Ku gam yen aci kəc Itharel pāny gen Jeriko bən gööt nīn kadhorou abī wīik.

³¹ Ku gam yen akəc adějōŋ cəl Rayäp bən nök kek kəc gen Jeriko wäär nək ke, rin cī kek jai ë Nhialic. Rin yen Rayäp nhom ë cä anēm kəc Itharel lor ku nyuuc ke paande.

³² Kəc kək juęc aya aa la gam. Acä lëu ba we lëk käk cī kəc kək looi, cīmën yī Gidiōn, Barak, Thamthon, Jeptha, Debit, Thamel ku kəc käk Nhialic tīŋ. ³³ Ku gam yen aci kəc kək bāny bən cop. Ku yen ŋic kəc kək kəc mac. Ku yök kəc kək kē cī Nhialic thōn kəc. Ku ë yen aci kəc kək köör bən der thook. ³⁴ Kəc kək kamken aaci męc bən nök, ku riückē röt bei ë paal thook. Kəc kək ke niöp aaci bən riël apēi təŋ yic. Ku copkē yōm apuruuk ë wušt kək. ³⁵ Rin gam yen aci Nhialic rōök diäär bən gam, ku cəl kəccken cī thou aa ben pīr. Ku kəc kək aaci bən aa gum ke cī kenhüim waar, rin bī ke jət aköldä. ³⁶ Kəc kək aya aake ye läät ku that ke. Ku kəc kək aake ye rek ku mac ke. ³⁷ Ku kəc kək aake ye bišök aleel. Ku kəc kək aake ye tēm kōth ë rou. Ku kəc kək aake ye tēm röt paal. Kəc kək acin kē yekē cien, aa kōt kek aake yekē kuōm kekōth. Kəc kək aake ŋōŋ, ku aake ye baŋ ku kuc ke ciēēŋ. ³⁸ Kəcä ecīi path bīk cien pinynhom. Aake ye piny kuany yic ë path roor liēt. Ku ciēŋkē adhuum yiic, ku kuör yiic ku gat yiic.

³⁹ Ee ŋic lən le kəcä ebən gam. Ku acin raan tōk kamken ca athōndit Nhialic bən yök. ⁴⁰ Nhialic ecī

11:31 Joc 2:1-21; 6:22-25 **11:32** Bāny 6:11-8:32; 4:6-5:31; 13:2-16:31; 11:1-12:7; 1Tha 16:1-1; 1Bŋ 2:11; 1Tha 1:1-25:1
11:33 Dan 6:1-27 **11:34** Dan 3:1-30 **11:35** 1Bŋ 17:17-24; 2Bŋ 4:25-37 **11:36** 1Bŋ 22:26-27; 2Läk 18:25-26; Jer 20:2; 37:15; 38:6 **11:37** 2Läk 24:21

kēpath guir ke ŋic ɣo. Kēya, bī ke nhūim ku ɣo looi buk la cōk ɣodhie.

12

¹ Kēya ěměn, ɣok aa ŋic kōc juĕc wäär cī gamden nyuōth tĕnĕ Nhialic. Ku rin ě wĕt kĕnĕ pālku kāk ɣo thĕl adumuōm yic, adumuōm yeku ke lac looi. Ku aa ɣo gĕl buk dhĕl Jethu buōth yic. Lok tuĕŋ ɣo wĕĕr ke ɣo cīi dhōr buk kĕ cī Nhialic guiĕr ɣo dōōt. ² Yeku rĕĕr ɣo dōt Jethu raan cī ɣo nyuōth dhĕl ku gam la cōk. Ku rin miĕt puōu bī yōk, yen acī yen ye gam bī thou tim cī rīiu kōu. Ku cīi kucĕc bī kĕ looi cīi pāl, cōk a wäär ye ke ye yōōr guōp. Ku ěměn a rĕĕr kōŋ cuĕc thōny Nhialic.

³ Takĕ tĕ cī Jethu guum thīn tĕwäär ye kōc kĕc wĕt Nhialic gam ye gaany thīn akōlakōl, rin bī wek cīi dhōr ku baathĕ puōth. ⁴ Rin aŋot cīn raan cī nōk, ayī raan cī yiĕk tĕtōk kamkun kōc cie wĕtdun ye gam. ⁵ Cāk nhūim mää r wĕĕt puōth ye Nhialic we wĕĕt ke we cīt miĕthke?

“Manhdiĕ, cōk yīpuōu piny tĕ wĕĕt Nhialic yīin, ku duk cōl aye kĕrac tĕ nyieeny yen yīin.

⁶ Rin Nhialic ee kōc nhiĕĕr keek cōk piny.

Ku ee kuat raan cī gam kecīt manhde tĕm awuōc.”

⁷ Guōmkĕ kārĕc kecīt wĕĕt Nhialic tĕnĕ we, rin ě yen we cōl acīt miĕthke. Nadĕ cāk kaŋ piŋ le manh kĕc wun kaŋ that rin wīc yen ye bī wĕĕt? ⁸ Na cīi Nhialic we yīk awuōc wĕĕt yen we cīmĕn adhie ye wun mīth miĕthke wĕĕt, ke wek acie miĕthke.

⁹ Cīmĕn ye ɣok ŋot ɣo thek wārkuā pinynhom ě tĕn tĕ cōk kek ɣo that, cuk bī lĕu alanden buk rōt thōn Nhialic, wun wĕikua ku pīr tĕ wĕĕt yen ɣo?

¹⁰ Wārkuā aa ɣo wēēt tē kor ɣok buk ηיע cien kam kōc run lik pinynhom ē tēn, cīt tē yekē yōk ye ke path. Ku Nhialic ē ɣo wēēt akōlakōl rin kāpuōth buk yōk buk dhēēnde rōm kek ye. ¹¹ Wēēt acie ɣuō nhiaar nyin yic, aye yōk ciēt rεεc. Na lā thεεr, ke kōc cī tēm awuōc aa la cōk ku yekē kōc ē dōōr.

¹² Kēya, duōkkē riōc lak tuēŋ ke we deet wepuōth.

¹³ Biathkē dhēl la cōk yic, bī kōc koor gam riel gamden yic. Ku cik mēr wei wecōk.

¹⁴ Miēthakāi, themkē bāk ηיע cien ke kōc ēbēn, bāk rēer dhēēŋ Nhialic yic. Rin raan liiu dhēēŋ Nhialic tēnē ye acīi bī kaŋ tīŋ. ¹⁵ Muōkkē wenhūim bī ciēn raan cīi dhēēŋ Nhialic yōk. Ku tiēerkē nhūim paan ē moor bī ciēn raan loi kērac met we wei ēbēn. Aŋיעckē, ee diēn tōk yen ē wār rac nyin. ¹⁶ Acīi path bī raan yepuōu ya yiēk bal. Ku cīn raan loi rot bī yic pial cimēn Ethau wār pēl diētde tēnē raan buōth ye, rin cī yen ye gām miēth koor ē path. ¹⁷ Ku aŋיעckē wār wīc Ethau ye bī la tēnē wun bī la dōōc ku bī diētde dhuōk ciēēn, ku akēc dōc bēn yōk tēnē wun. Kēnē akēc rot bēn lēu bī waar yic cōk a wār cī yen dhiau pīu ē nyin.

¹⁸ Wek aa kēc bēn we cīt kōc Itharel wār cī la ɣōn Thinaī cōk. Ku tīŋkē manydīt apēi ke dēp. Nawēn ke tīŋ luāāt aya ke cī ɣōt paat piny ku looi muōōthdīt, ku yomdīt apēi. Ku ye bir yic ku mēēr apēi abīk riōōc ēbēn ¹⁹ Ku piŋkē kaŋ yic ku rōl la ɣēi. Acīi Nhialic piŋ ke jam rōldīt apēi, nawēn ke lēkkē Mothith bī Mothith Nhialic lōŋ bī cīi ben jam tēnē ke. ²⁰ Ku acīi jāl bēn riōōc apēi tēwēn piŋ kek

12:12 Ith 35:3 **12:13** Kēŋ 4:26 **12:15** L.rou 29:18 **12:16** Cāk 25:29-34 **12:17** Cāk 27:30-40 **12:19** B.bei 19:16-22; 20:18-21; L.rou 4:11-12; 5:22-27

Nhialic röl ke lëk ke ëlä, “Acin raan yëët ë gɔn kënë cök, na cɔk a lëi ku le nhial ye ka biöök aleel bi thou.” ²¹ Agut Mothith aci bën riöc aya apëi wën looi kakkä röt abī ya lueel, “Yen aye riöc lath.”

²² Wek aa këc bën gɔn Thinaï lööm. Wek aaci bën gɔn Dhain lööm, yen cī Jeruthalem ë yam gen Nhialic pīr buth yenhom. Wek aaci bën yan miēt pušu dīt yic tō atuuc Nhialic juëc apëi thīn. ²³ Wek aaci bën tēnë Nhialic yen luk looi tēnë kɔc ëbën. Ku tēnë wëi kɔc path cī Nhialic looi bīk la cök. ²⁴ Wek aaci bën tēnë Jethu cī löŋ döör ë yam looi. Acī riemde juaar rin bi Nhialic adumuömkua päl piny, rim cīi thöŋ kek rim Abel wäär thiëc ë guur.

²⁵ Wek aa yöök bāk cīi kuc wët raan jam. Kɔc wäär cī kuc bīk wëtde cīi gam pinynhom tēn aakëc bën puäl ke cīi tēm awuöc. Na ye këya, buk poth kädë, yo cīi tēm awuöc tē cīi yok wët cī Nhialic jam tēnë yo nhial pin? ²⁶ Wäär röldë gɔn Thinaï ëcī piny yäak. Ku ëmën aci kɔc lëk ëlä, “Acie pinynhom rot yen ba yäak, yen abī nhial yäak aya.” ²⁷ Ku dët aya, kë ye wëlkä nyuöth ë lɔn kāk cī cak aabi röt yäak ku nyiëi ë keek. Ku döŋ kāk cīi lëu bi ke yäak.

²⁸ Këya, yok aa kɔc cī Nhialic yiëk pan cīn kë bi ye yäak athëer. Lecku Nhialic ku dorku dhël ye cɔl amit pušu, ku rëerku ke thekku ku riöcku ë ye. ²⁹ Rin ye Nhialic kɔc tēm awuöc thiek apëi, acit many adhie këriëc ëbën ruöc piny.

13

Të ye Nhialic miëët pušu thīn

12:20 B.bei 19:12-13 **12:21** L.rou 9:19 **12:24** Cäk 4:10
12:25 B.bei 20:22 **12:26** Yag 2:6 **12:29** L.rou 4:24

¹ Lak tuen̄ we n̄hiar rōt akōlakōl ke we cīt mīth tik. ² Lor jōōl ē puōn ȳer ku nyuōōc keek apath. Rin cī kōc kōk atuuc Nhialic kaŋ lor ke kuckē ke. ³ Duōkkē nhīim ye mäǟr kōc mac ku kōc gum. Yakē ke kony ciēt we mac ku guōōmkē ke ke.

⁴ Thiēēk adhīl raan ēbēn theek, rōōr ku diäär aa dhil rōt theek kamken bī ciēn raan dēēk ŋek puōu. Nhialic abī kōc cī rot thiaak ē luui akōr tēm awuōc, ku kōc kēc thiēēk luui kāk ē bal aya.

⁵ Duōkkē ye wīc wepuōth bāk la kājuēc apēi, ye kēdun muk yen ye yiēk yīpuōu rot. Acī Nhialic lueel thēer ēlä, “Wek aacā bī kaŋ pāl wei, ku wek aacā bī nyääŋ wei.” ⁶ Na ye kēya, rēerku ē cōk ku ŋōthku Nhialic, ku yeku lueel ēlä, “Ee Nhialic yen ē ȳen kony, acīn kē ben ȳa riääc. Le raan lēu ye ba luōi kērac?”

⁷ Duōkkē nhīim mār kōcdīt tuen̄ wäär we lēk wēl Nhialic. Takkē apath yen tē piīr kek thīn aȳet tē thou kek. Luōōikē cīmēnden gam yic. ⁸ Jethu Krītho acie rot ye waar. Ee yen tōŋ akōl wäär ku ya akōl ku akōlriēēc ēbēn. ⁹ Duōkkē rōt cōl aa rēc ē nhīim piōōc juēc kōc gōi ye lueel lōn cīi mīith kōk bī ya cam. Wek aa dhil wepuōth wēl dhēēŋ Nhialic ku acie mīith ye cam cīn kē yekē kuōny wēi kōc ke cam.

¹⁰ Ajuēr ye looi bī ȳo awaar kārēc yiic, acīt ajuēr lōŋ dōōr wäär ye looi bī adumuōōm pāl piny. Ku acīn raan ye puōl agut kōc kāŋ juaar tēnē Nhialic duēl yic bīk rīiŋ lān cī nōk cuet. ¹¹ Rin raandīt kāk Nhialic ē ye riēm lān cī juēr Nhialic ȳath tē yaath duēl yic rin bī adumuōōm pāl piny. Ku lān cī nōk ē ye nyop roor abī ya cōl. ¹² Ku Jethu

aya, ee thou γεu kōu ayeer Jeruthalem. Tēwēn nēk ye ēcī riemde kuēr rin bī adumuōmkua pāl piny. ¹³ Kēya, dhilku biaath ayeer aya γεu kōu buk yār guōp wāār cī guum la rəm kek ye. ¹⁴ Kēnē adhilku looi, rin pinynhom tē ciēŋ yok thīn acie yen tē bī yok ciēŋ thīn athεεr. Yok aa tit gen yam yen bī bēn. ¹⁵ Kēya, cīt mēnē cī yok Jethu gam, yeku Nhialic leec akōlakōl. Rin lēc ye yok ye leec piāthkua ēbēn, yen ajuērdan ye nyuōth lōn ye yen Bēny. ¹⁶ Duōkkē nhūim mār luoi kāpath, ku kē ye wek rōt kony kamkun, rin kākā kek ajuēr Nhialic cəl amit puū.

Thek kəckun dīt wēl Nhialic

¹⁷ Thek kəckun dīt wēl Nhialic, ku piŋ tē ye kek yī wēēt thīn, rin ye kek kəc tit wēiku. Ku aŋickē lōn bī Nhialic ke thiēēc akōldā tē cī kek wēi kəc tiεεt thīn. Na thek ke ku gam wētden, ka bī luōiden looi ke mit puōth. Ku na cī wētden piŋ ka luui ke rem puōth. Ku na cīk ŋic luui apath, ke la kē kuny kē yī? ¹⁸ Yakē rōök riengkua. Acīn kēreεc rēēr yopuōth. Awīcku bī ya kēpath yen yeku looi akōlakōl. ¹⁹ Wek aa liem piāndiē ēbēn bāk rōök bī Nhialic ya cəl adhuk tēnē we ye nīnkā.

Rōök ciēn

²⁰ Ku ēmēn, bī Nhialic rēēr kek dōōr, yen cī Bānyda Jethu cəl aben pīr, week yīēk kāk wiēckē ke bī wek kēden wīc looi. Ku bī luui wepuōth riεl Jethu raan cī lōc ku dōc, ²¹ bī wek kuat kāk ye miēēt puū ya looi. Jethu yen abiōŋdīt rin cī yen lōŋ dōōr akōlriēēc cī thany riemde looi. Bī diik ya kēde akōlriēēc ēbēn. Yenakan.

Wēl ciēn

Athör cī gāt kəc Itharel cī gam 13:22xxxivAthör cī gāt kəc Itharel cī gam 13:25

²² Miëthakäi piɛŋkë wël lik deet wepuöth ca lëk we apath. Rin athör ca gät we aciek. ²³ Awiëc bäk ɲic aya lɔn wämääthda Timothī aci lony ë ninkä. Na lɔc bën bā dööt, ke ɣok aabi cath ë tök buk we la neem.

²⁴ Miäthkë kɔckun dīt ku kəc kək cī wët Nhialic gam ë rienkua. Wämäthakua pan Italia aa we muöth aya.

²⁵ Bī dhëeŋ Nhialic rëer kek we ëbën.

Lëk yam
New Testament in Dinka, Southwestern (SU:dik:Dinka,
Southwestern)

copyright © 2006 Wycliffe Bible Translators, Inc.

Language: Dinka, Southwestern

Translation by: Wycliffe Bible Translators, Inc.

Dinka, Southwestern

dik

Sudan

Copyright Information

© 2006, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dinka, Southwestern

© 2006, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files dated 29 Jan 2022

d94b9d26-33ff-5c4e-819f-5bfe86ac9e55